

Na osnovu člana 51. Zakona o izvršenju budžeta Bosansko-podrinjskog kantona Goražde za 2023. godinu ("Službene novine Bosansko-podrinjskog kantona Goražde", broj: 1/23), Zakona o raseljenim osobama i povratnicima u F BiH i izbjeglicama iz BiH ("Službene novine F BiH", broj:15/5), a u skladu sa Programom utroška sredstava Ministarstva za socijalnu politiku, zdravstvo, raseljena lica i izbjeglice sa ekonomskog koda 614200 (JAM 001) Tekući transferi pojedincima - Izdaci za raseljena lica za 2023. godinu, ("Službene novine Bosansko-podrinjskog kantona Goražde", broj: 3/23 i 5/23), te Programom izmjena i dopuna Programa utroška sredstava Ministarstva za socijalnu politiku, zdravstvo, raseljena lica i izbjeglice sa ekonomskog koda 614200 (JAM 001) Tekući transferi pojedincima - Izdaci za raseljena lica za 2023. godinu broj: 08-11-178-12/23 od 14.06.2023.godine (Odluka Vlade BPK Goražde broj: 03-11-1094/23 od 09.06.2023.godine), Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde **objavljuje**:

JAVNI POZIV
za podnošenje prijave za ostvarivanje pomoći iz
Programa podrške održivom povratku

1. Predmet javnog poziva

Predmet Javnog poziva je dodjela finansijske pomoći pravnim licima u realizaciji projekata i aktivnosti s ciljem obezbjeđenja uslova za održivost povratka i poboljšanje kvaliteta življenja u mjestu povratka za Grad Goražde, općine Foča u F BiH, Pale u F BiH, i susjedne općine iz Entiteta RS-a.

2. Finansijska sredstva

Sredstva predviđena za raspodjelu za pravna lica po Javnom pozivu planirana su u iznosu od 30.000.00 KM u Budžetu Ministarstva za socijalnu politiku, zdravstvo, raseljena lica i izbjeglice Bosansko - podrinjskog kantona Goražde, na ekonomskom kodu 614200 (JAM 001) – tekući transferi pojedincima – Izdaci za raseljena lica za 2023. godinu.

3. Pravo učešća na javnom pozivu

Pravo učešća po ovom Javnom pozivu imaju:

- **pravna lica** – udruženja i neprofitne organizacije čiji projekti i aktivnosti mogu značajnije doprinjeti održivosti povratka, odnosno ona udruženja i neprofitne organizacije čiji su zahtjevi i projekti usklađeni sa općim i posebnim ciljevima Programa utroška sredstava sa ekonomskog koda 614200 (JAM 001) – tekući transferi pojedincima – Izdaci za raseljena lica za 2023. godinu.

4. Kriteriji za izbor korisnika

Sredstva će se dodjeljivati u vidu finansiranja/sufinansiranja projekata/zahtjeva za:

- Oporavak putne i komunalne infrastrukture u povratničkim naseljima.

- Opći kriteriji:

- a) Registracija udruženja/organizacije (Rješenje o registraciji);
- b) Usvojen Program rada za 2023.godine;
- c) Usvojen finansijski plan za 2023.godinu;
- d) Izvještaj o urednom finansijskom poslovanju (bilans stanja, bilans uspjeha i narativni izvještaj za 2022.godinu);
- e) Finansijski izvještaj o utrošku sredstava za projekte odobrene u prethodnoj godini.

- Posebni kriteriji:

- a) Projekti i aktivnosti koji mogu značajnije doprinjeti održivosti povratka;
- b) Projekti koji podržavaju povratak porodica sa djecom;
- c) Projekti koji finansijski ili na bilo koji način podržavaju sami korisnici projekta i povratnici.

Dokumentacija koja se dostavlja:

- a) Zahtjev aplikacija za finansiranje/sufinansiranje programa/projekta koji sadrži (naziv projekta, opis problema, razlog zbog kojeg aplikant traži odobrenje novčanih sredstava, pregled aktivnosti koje se planiraju realizirati, iznos finansijskih sredstava koja su neophodna za realizaciju aktivnosti uključujući ukupan iznos sredstava, traženi iznos sredstava koja bi se obezbjedila iz drugih izvora uključujući i vlastita sredstva);
- b) Rješenje o registraciji udruženja/organizacije;
- c) Uvjerenje o poreskoj registraciji – Identifikacioni broj ID;
- d) Uvjerenje o izmirenim poreskim obavezama, a oni aplikanti koji nemaju neizmirenih obaveza dostavljaju izjavu od nadležnog organa da nemaju neizmirenih obaveza;
- e) Uvjerenje o izmirenim porezima i doprinosima za uposlenike (ukoliko imaju uposlenika) a oni aplikanti koji nemaju uposlenih mogu dostaviti ovjerenu izjavu od nadležnog organa da nemaju uposlenih, kojom to potvrđuju.

Jedan podnosilac prijave (pravno lice) može dostaviti više od jednog zahtjeva u okviru ovog Javnog poziva, u tom slučaju se moraju predati odvojene prijave, prijedlog projekta i dokumentacija uz svaku od njih.

5. Procedure odabira korisnika sredstava

Aplikacije (zahtjevi i projekti) dostavljeni po Javnom pozivu vrednovati će Komisija za odabir korisnika imenovana Rješenjem Ministra, na osnovu Procedura za odabir korisnika (donesenih od strane Ministra za socijalnu politiku, zdravstvo, raseljena lica i izbjeglice), a u skladu sa kriterijima definisanim Programom utroška sredstava sa ekonomskog koda 614200 (JAM 001) Tekući transferi pojedincima – Izdaci za raseljena lica za 2023. godinu.

Visinu sredstava za raspodjelu po ovom Javnom pozivu utvrđuje resorno Ministarstvo u skladu sa Programom utroška sredstava sa ekonomskog koda 614200 (JAM 001) – Tekući transferi pojedincima – Izdaci za raseljena lica za 2023.godinu.

Nakon utroška odobrenih sredstava po Programu podrške održivom povratku korisnik sredstava je obavezan da Ministarstvu za socijalnu politiku, zdravstvo, raseljena lica i izbjeglice BPK Goražde dostavi izvještaj o provedenim aktivnostima i namjenskom utrošku sredstava.

Korisnik koji je u prethodnom periodu koristio sredstva od Ministarstva za socijalnu politiku, zdravstvo, raseljena lica i izbjeglice BPK Goražde, a nije dostavio Izvještaj o namjenskom utrošku sredstva nema pravo aplicirati na ovaj Javni poziv i njegova prijava se neće razmatrati.

6. Rok za podnošenje zahtjeva i način objave

Zahtjev – prijavni obrazac kao i prijedlog projektnog obrazca može se preuzeti na službenoj stranici Vlade www.bpkg.gov.ba ili lično u prostorijama Ministarstva za socijalnu politiku, zdravstvo, raseljena lica i izbjeglice BPK Goražde.

Zahtjev – prijavni obrazac je obavezujući i istim se potvrđuje ispunjavanje kriterija, kao i potrebna dokumentacija za apliciranje na Javni poziv. Aplikanti zahtjeve-prijave podnose u zatvorenoj koverti na protokol Bosansko-podrinjskog kantona Goražde ili putem pošte na adresu:

Bosansko-podrinjski kanton Goražde
Ministarstvo za socijalnu politiku, zdravstvo, raseljena lica i izbjeglice
ul. 1. Slavne višegradske brigade 2a
73000 Goražde
sa naznakom:

**“Prijava na Javni poziv za za podnošenje prijava za ostvarivanje pomoći
iz Programa podrške održivom povratku. Ne otvaraj”**

Rok za podnošenje zahtjeva- prijava po ovom Javnom pozivu je **15 dana** od dana objave na Oglasnoj ploči Kantona.

Javni poziv objavljuje se na zvaničnoj internet stranici Vlade Bosansko-podrinjskog kantona Goražde i na Oglasnoj ploči Bosansko-podrinjskog kantona Goražde.

Nepotpune i neblagovremene prijave neće se uzeti u razmatranje.

Ministarstvo zadržava pravo na poništenje Javnog poziva, bez obaveze pismenog ili usmenog obrazloženja, kao i bez obaveze snošenja troškova za podnesene aplikacije po Javnom pozivu.

**Ministarstvo za socijalnu politiku, zdravstvo,
raseljena lica i izbjeglice BPK Goražde**

Broj: 08-11-859-1/23
Goražde, 20.06.2023. godine



Senad Čeljo